



Broj predmeta: UP-I-KSI-09-28/23

Datum: 16.10.2023. godine

Na osnovu člana 25. stav (1), tačka a), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona od strane Š. S. iz Brčkog, [REDACTED], Brčko distrikt BiH, na 69. sjednici održanoj 16.10.2023. godine donosi

### RJEŠENJE

1. Utvrđuje se da Š. S. iz Brčkog, [REDACTED], Brčko distrikt BiH nije u zakonom propisanom roku podnio Izvještaj o imovinskom stanju nosioca javne funkcije Komisiji za odlučivanje o sukobu interesa, čime je postupio protivno odredbama iz člana 21. stav (2) Zakona o sprečavanju sukoba interesa u institucijama Brčko distrikta Bosne i Hercegovine.
2. POZIVA SE Š. S. da podnese Izvještaj o imovinskom stanju nosioca javne funkcije Komisiji za odlučivanje o sukobu interesa, te na taj način otkloni razloge koji su doveli do kršenja odredaba Zakona o sprečavanju sukoba interesa u institucijama Brčko distrikta Bosne i Hercegovine u roku od 15 dana od dana prijema Rješenja.
3. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine Š. S. se, saglasno odredbama člana 39. stav (1), tačka a), Zakona o sprečavanju sukoba interesa u institucijama Brčko distrikta Bosne i Hercegovine, izriče novčana sankcija u iznosu od 3.000,00 KM, koju je imenovani dužan uplatiti na račun i u korist budžeta Brčko distrikta Bosne i Hercegovine, račun primaoca 552-000-18267624-57, vrsta prihoda 723113-novčane kazne i troškovi postupka, budžetska organizacija 1604001, najkasnije u roku od 15 dana od dana dostave Rješenja, pod prijetnjom prinudnog izvršenja, te da dostavi dokaz o uplati novčane kazne u prostorije Komisije za odlučivanje o sukobu interesa.

### Образложење

Dana 20.07.2023. godine, Komisija za odlučivanje o sukobu interesa je po službenoj dužnosti Zaključkom broj: UP-I- KSI-09-28/23 pokrenula postupak protiv Š. S., radi postojanja

sumnje na postupanje suprotno odredbama Zakona, te imenovanog pozvala da se izjasni o datim navodima.

Nadalje, kako imenovani nije u zakonom predviđenom roku dostavio pisano izjašnjenje na razloge o navodima iz Zaključka, Komisija za odlučivanje o sukobu interesa nastavila je postupak shodno članu 32. stav (9) Zakona o sprečavanju sukoba interesa.

Prilikom redovne provjere tačnosti i potpunosti podataka iz Registra imovine nosilaca javne funkcije Komisija za odlučivanje o sukobu interesa je uočila da Š. S. nije dostavio Komisiji Izvještaj na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja (ANEKS II) za 2022. godinu, te postoji osnovana sumnja da je postupio protivno odredbama člana 21. stav (2) Zakona o sprečavanju sukoba interesa u institucijama Brčko distrikta Bosne i Hercegovine.

Član 21. stav (2) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan podnositi Komisiji za odlučivanje o sukobu interesa Izvještaj o imovinskom stanju za sebe, bračnog i vanbračnog druga, djecu i druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, dvije godine nakon prestanka obavljanja javne funkcije i to jednom godišnje, do 31. marta tekuće godine za prethodnu godinu.

Š. S. je obnašao funkciju zastupnika u Skupštini Brčko distrikta Bosne i Hercegovine, na osnovu Uvjerjenja Centralne izborne komisije Bosne i Hercegovine, broj [REDACTED] sve do 01.10.2021. godine, shodno Odluci broj: [REDACTED], u skladu sa članom 2. Zakona o sprečavanju sukoba interesa u institucijama Brčko distrikta Bosne i Hercegovine bio je nosilac javne funkcije upisan u Registar javnih funkcija i nosilaca javnih funkcija, te je dužan shodno članu 21. stav 2. Zakona o sprečavanju sukoba interesa u institucijama Brčko distrikta Bosne i Hercegovine podnositi Izvještaj o imovinskom stanju dvije godine nakon prestanka obavljanja javne funkcije i to do 31. marta tekuće godine, za prethodnu godinu, u skladu sa navedenim Zakonom.

Imenovani do dana donošenja ovog Rješenja nije dostavio Izvještaj o imovinskom stanju nosioca javne funkcije, kako je propisano članom 21. stav (2) Zakona o sprečavanju sukoba interesa u institucijama Brčko distrikta Bosne i Hercegovine, tako ni nakon prijema Zaključka Komisije za odlučivanje o sukobu interesa broj: UP-I-KSI-09-23/23 od 20.07.2023. godine, čime je počinio povredu odredaba iz navedenog člana 21. stav (2) Zakona.

Član 39. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisuje novčane kazne nosiocu javne funkcije koji postupi suprotno odredbama člana 21. navedenog zakona.

Prilikom izricanja sankcije, Komisija za odlučivanje o sukobu interesa je vodila računa o težini povrede zakona, posljedicama povrede zakona, šteti koju je povreda nanijela integritetu javne funkcije koju je Š. S. obavljao, ličnosti imenovanog i odnosu imenovanog prema kršenju odredaba zakona. Komisija je cijenila činjenicu da je Š. S. u toku 2022. godine izrečena sankcija zbog nepodnošenja izvještaja o imovinskom stanju. Imenovani nije ponovno postupio shodno odredbama Zakona, te nije do 31.03.2023. godine podnio Izvještaj o imovinskom stanju i pored upozorenja na ovu obavezu, te je Komisija za odlučivanje o sukobu interesa stava da izrečena sankcija odgovara težini kršenja Zakona.

Imenovani se poziva da u roku od 15 dana od dana prijema ove odluke podnese Komisiji za odlučivanje o sukobu interesa izvještaj o imovinskom stanju nosioca javne funkcije i time otkloni povredu odredaba Zakona o sprječavanju sukoba interesa.

Komisija za odlučivanje o sukobu interesa je, cijeneći navedeno, shodno odredbama člana 25. i člana 21. zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

**POUKA O PRAVNOM LIJEKU:**

U skladu s odredbama člana 37. stav (1) Zakona o sprečavanju sukoba interesa u institucijama Brčko distrikta Bosne i Hercegovine, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu Bosne i Hercegovine.

Zamjenik predsjednika  
Komisije za odlučivanje o sukobu interesa

---

Lepa Božić, dipl. pravnik

Dostaviti:

1. [REDACTED],
2. Internet stranici Komisije,
3. Evidenciji i
4. Arhivi.